

李太白詩鈔卷第三

五言絕句

自述

元道歸山日登瀛

親分春陽照長祠

昔從長生存分嗣

好而嗣亦前


到處寒烟滿歲重

孔子聖矣

莫言大道與聖


高林說地

瑞云



温州市图书馆

WENZHOU LIBRARY



温州市图书馆

WENZHOU LIBRARY

辛白詩鈔卷第三

五言絕句

瑞安

陳

懷

孟冲

自述

元稹歸田日澄瀾執政年一官猶潦倒空望月明天

觀祭晉陽昭義祠

昔祝長生壽今酬戰死功可憐愚父老還說舊皇宮

勒馬闕帝廟

到處霽顏開威靈已壯哉緣何獨勒馬殺賊甫歸來

孔子聖誕

莫言大道裂聖誕尚殊說憾無周曆家不得息羣舌

聞鵲

溫州市圖書館

WENZHOU LIBRARY

栖栖復栖栖菊花已滿蹊
開窗問山鳥喑喑為誰啼

答紀同原韻

非鄙折腰者但愁喪我真
相羞莫相泣天下幾齊人

同張少漁奕棊口占

二首

萬里同為客高樓聽鼓聲
夜長無所事聊與戰楸枰
猶有談兵意縱橫
勝算操消磨
閒歲月
差比牧豬高

夜坐

落月照孤鐙呼童睡不應
夜深爐火燼涕淚凍成冰

遊純陽宮降真樓口占

昔聞有野丐此是留題處
快上最高樓莫教仙人去

鏡

色去空仍在形來影自留
悲懽解相肖能識我心不

溫州市圖書館

WENZHOU LIBRARY

棹

再同張少漁奕碁口占 二首

夜月開枰澗寒燈下子飛誰知羊太守勝取郡符歸

與君分楚漢子細決雌雄自古興亡局仙人一着碁

曉寒

曉起倚闌干霜風刺骨寒敝裘對殘月遮莫客心酸

送張少漁之代

累月相留連客中復送別魂銷晉陽城心憶雁門雪

有感 二首

疾首悲桑孔司農為國謀民窮膏髓盡寧復苦誅求

尾大愁難棹開藩各擁強可憐唐節度誰似郭汾陽

喜家書至口占

萬里勸加餐家書子細看投閑無所覆惟有報平安

溫州市圖書館

WENZHOU LIBRARY

戲詠祀竈

能使陰方富黃羊祀獨存家家爭媚竈冷落與神尊
同傳硯田奕棊口占

亦知擔糞誚無事悶相尋敲到燈花落何人識苦心
人日

新歲復人日花風一信春故園今夜裏燈火煖靈辰
掃帚

應作陳蕃帚驅除天下塵何來掃花雪不惜主人春
自笑

何處尋詩句春光帶月回可憐無寸技日夜祇書堆
讀書感懷

疆記無能力多聞讓少年今朝矜獨得明日已茫然

溫州市圖書館

WENZHOU LIBRARY

戒奕棊

朝朝方罫裏能得寸封無大好光陰貴蹉跎木野狐

詠史四首

千載談虞舜誰知數首賢一家皆欲殺我獨阿兄憐虞舜妹

為弟爭青史千秋女丈夫不然聶政死浪擲感恩軀聶政姊

贖父甘為婢精誠感聖明誰言生女惡千古有緹縈太倉女

豈忍嬌兒死將成終古名一朝齊李杜寧割倚閭情范滂母

聽鶯琴口占

何處琴音響宮商不可分祇疑仙客過聲自九霄聞

鵲噪二首

怪問簷前鵲朝朝好費猜不知報何喜端為笑人來

塞上久無雨何勞報曉晴主人心未識底自亂喧鳴

溫州府

啼鴉

我自甌東客汝為塞上鴉朔南殊喜惡休亂落人家

遊文瀾湖六首

塞垣無好景何處足閒遊惟有茲湖水差堪洗客愁
淡蕩喜春色高樓楊柳中鶯啼芳草綠鴉帶夕陽紅
獨倚橋亭望湖塘十畝餘三分兩分水一寸二寸魚
畫閣春光暖烹爐任品茶風塵莫悵望且看海棠花
茅屋三間矮青旗一桁飄羔羊間美酒明月足相邀
孤艇無人渡波深只半篙待教春雨後來上木蘭刀
野望
日暖千峰秀郊原好獨看飛飛鶯語嫩春色滿林端
旅館獨坐

溫州市圖書館

WENZHOU LIBRARY

慣作殊方客，鄉音絕耳聞。
春分今又過，燕去雁來羣。

戲詠錢四首

九府泉刀貴，人間萬事需。
會須能解用，莫作守錢奴。
利以義為本，誰能兩不頗。
嶠嫌懷癖甚，行亦矯情多。
怪汝無賢否，貪兒任所歸。
跖貧顏閔富，阿堵有誰譏。
擬把綠章奏，人人不患貧。
更誰誇智力，長作太平民。
偶成

晝靜鳥聲喧，夜闌鼠語聽。
冥思萬念生，何日猿心定。
寒食思歸

聲聲聽杜宇，萬里忽思歸。
昨夜還家夢，山山蝴蝶飛。

七言絕句

登越王臺故址

讓
一作減

蠻夷大長昔年遊千載空遺山響樓陸賈不來仍自帝南疆終古

莫歸劉

登前韻

莫笑臣佗棄上遊當年下拜越華樓拔山蓋世英雄將百戰勲名

亦讓劉

珠江晚眺 二首

珠海城頭起暮烟春風歸去夕陽邊舟中燈火時將現處處鶯聲

雜管絃

梨花楊柳隨烟舞十里長隄夕照明遙看山頭新月上遊人歸去

馬車聲

珠江月夜泛舟 二首

江山如畫眼中無月照波心似顫珠艇子緣流人倚柂天然一幅

絡
一作絲

夜歸圖

水雲深處逐鶉鷓款乃聲聲唱女奴明月照人天不夜滿江燈火

似西湖

羅浮曉夢

隋開皇中趙師雄事也

醒來畢竟莊生夢日露窗間賸酒痕睡裏芳香猶撲鼻湘娥鼓瑟

為招魂

荔支二首

果品三千誰第一長生殿上荔支香色嬌肉嫩宮妃笑風味尤饒

玉露漿

異方風物能多啖挂絡盈盤絕可人雲作衣裳玉作骨不妨長住

曲江濱

龍眼二首

并上...

香剖密脾知韻味平州十葉世間希太冲作賦名初出蜀國何如

越國肥

廉州色味尤殊絕品物原來獨長蘇可笑世人多俗眼將儂喚作

荔支奴

洋桃

山稜佳種傳洋海結實離離八月秋飽啖能驅嵐瘴毒從今可作

嶺南遊

黃皮

嶺外相傳有古語饑餐丹荔飽黃皮鍊金作色葡萄味六月羅浮

果滿枝

雨後木棉花二首

雷雨忽傾雲樹墨滿山烽火木棉叢洗殘塵垢花尤艷疑是天邊

日照紅

萬紫千紅皆欲墜
燭龍啣月獨添明
火燒朶朶連天赤
夾岸珊瑚

雨後晴

懷馬伏波 二首

漢家健將從天下
手澤於今嶺海傳
水有銅船山銅柱
千秋如見

馬文淵

馬流自說茂陵裔
聚族環居交趾濱
千載衣冠猶古代
中原誰是

漢忠臣

珠江夜市 二首

日落珠江看夜市
滿江歌管滿江燈
此中別有一天地
愈到宵深

人似蠅

夾岸樓臺搖倒影
蠻姬曲曲語鈎輶
何如西子湖中月
未識風光

浙江通志卷之...

似舊不

素馨斜 二首

千年香骨埋塵土
賸粉猶能散野花
每屈蟬吟秋欲到
遊人爭說

素馨斜

飛花一片渾如雪
盧橘黃時十里芳
月照美人頭上髻
盈盈疑是

漢宮妝

約登白雲最高頂 二首

滿江炎霧籠城闕
終日昏昏醉夢中
那得鶴舒臺上望
與君長嘯

九天風

三十餘峰近咫尺
年年未逐落霞飛
約君同上摩星頂
偷得白雲

滿袖歸

屋門訪揚太后陵 二首

溫州

當年太傅情倉猝不及留題起衆疑只為孤兒一塊肉此心豈望

後人知

屋門投水依孤子埋骨應從海島湄千載流布有信史梅花陂上

莫相疑

碧玉樓懷陳白沙

先生道義動天聽千載猶傳碧玉樓豈意葉公無真好光風霽月

老林邱

海珠納涼五首

何處飛來江上石江空月照一珠蒼驕陽處處蒸人酷惟有江心

可納涼

南國殘春暑已過地鄰赤道日當頭江中幸有浮珠石翠竹含風

葉葉秋

四面迎風暑氣藏北窗高卧傲羲皇遙看水色連天碧江上渾忘

夏日長

落落疏簾月照斜遙聽江岸弄琵琶天公作意留消暑夜靜疑乘

八月槎

樓高院靜猶嫌熱江上敲碁且學慵南國那能多如此海風吹送

隴頭農

喜聞仲父至口占

鄉音久隔無消息日聽鈞軸欲學難汽笛一聲臣叔至喜溫笑語

問平安

吊熊飛墓 二首

行朝帝子依孤島丞相麾前一義民千載雨聲鳴戰鼓空留荒塚

在溪濱

野史流傳聞義士榴花明處弔孤墳忠魂不愧文丞相碧血千年
黯暮雲

懷海剛峯 二首

剛峯天下奇男子樸儉寧同老腐儒抗疏千言爭國是不知九死
一生無

吳江政績十年在感激悲歌百萬家官歷六卿仍茅舍始知忠介
淨無瑕

訪陳白沙慈元廟碑

雲封荒島慈元廟日落蒼苔公甫碑字裏行間俱泪血秋風江上
鬼神悲

疊前韻

乾坤島上成春夢風雨屋前讀舊碑千載人憐賢太后中原回首

不勝悲

綠珠

綠珠一妓何堪惜金谷樓頭識獨奇人世若逢生死地休教巾幗

愧鬚眉

蚤戶怨

聞道昊天無私覆何分畸重與畸輕男龍女獼非人類海水朝朝

咽不平

吊朝雲墓

五首

棲禪寺外草青青古墓蘇家一小星悟得金剛夢幻長教明月

照荒亭

自從夫壻謫南疆千里家山入夢長埋骨終教瘴海地孤魂曾否

到錢塘

一身艷受西湖福生少杭州死惠州生死原如雲電幻年年依樣

月明秋

可憐生子未期殤月冷空庭泪斷腸天女維摩應解脫一聲鐘磬

萬緣忘

多情夫壻悼亡詩悽斷香山楊柳枝依得伽藍如夙願色空空色

不須悲

珠江夏夜對月獨酌

四面無人宿遠鷗江流萬頃月明舟吟詩把酒不知暑疑是洞庭

葉落秋

夏夜白鷺潭舟次

四月乘槎黃浦頭夜光如水泛中流愁看潭裏浮鵝白海底波濤

亂打舟

遊小北門至白雲山下寶漢茶寮口占二首

羊城北出足閒遊綠遍郊原十里悠人踏夕陽山下路竹陰深處

一茶樓

幾間茅屋透斜暉自說家藏漢卷希一片白雲留眼底山南山北

鷓鴣飛

五月五日天台褚少九壽其父石橋先生招飲於粵秀山三君祠

之天海澄清閣席上即景七首

褚家阿囿來邀飲即罷今年五十春千載祠堂堯嶺畔三君俱是

白頭人

人生半百節天中歲序年華一樣同斟得菖蒲新酒綠白雲深處

問仙翁

一樹榴花照眼明龍舟競渡客羊城何人奪得朱旗去亂打江頭

畫鼓聲

天海澄清一閣迎南風吹送此身輕山光可惜無人畫獨有新詩
寫得成

一望江邊波影清曉來天氣半陰晴忽看山雨朱旗溼惟聽雷聲
雜鼓聲

黑風忽起翻山海百尺高樓驟雨中天意人心同反覆聞雷失箸
自英雄

雲飛千疊橫江墨山在東頭塔在西脚底萬家烟雨密眼從海岸
見天低

西樓聞龍舟鼓聲

忽聞天半鼓聲聲江上旌旗鬪晚晴海內已無乾淨土羣兒何不
賦從征

初六日西樓聞龍舟鼓聲 二首

昨夜山頭聽競鼓高樓今日有餘聲
遙思珠海長隄外仍否龍旗

一字橫

忽雨忽晴天不定昨今景象宛何同
雷聲一振朱旂折爭得風濤

氣倍雄

雨後聞茉莉香 二首

檻外殘雲帶夕陽開簾欲納晚風涼
隔牆忽送濃薰至雨打園花

茉莉香

花滿池塘月滿衣美人插得滿頭歸
夜深撲鼻留香久疑是爐烟

鎖翠幃

約遊羅浮 二首

羅浮突兀三千丈天外飛來又一山
四百奇峰何日到秋風明月

在山間

聞是人間七洞天飛雲頂上聚羣仙此生願步安期後一個峯頭

住一年

紅雲宴
萬朶紅雲落玉盤宮人環宴盡君歡南劉莫說朝廷小一樣長生

殿上官

禁鐘樓

四顧玲瓏夕照紅兩朝勝蹟枉成空相傳聲應江潭裏何事塵封

古洞中

南海神廟

歷朝詔敕從天下大吏衣冠薦品新萬古英靈並衡嶽巍峩臺殿

粵江濱

溫 市 印

寄勉三弟

一生看事莫輕易到處人情是棘荆不入爐中苦烹鍊掀天勛業

總難成

寄勉六弟

少年處處翻新解纔見心花怒發時

□□□

寄念法兒

去年三月兒生日今歲剛逢周晬辰我自別來庾嶺外不知能否

喚爺親

寄贈唐六丈

昔年飽啖荔支味今夏珠江我一人未識先生猶憶否越王臺上

汗霑巾

溫州府 卷之三

乖俗一作遺忘

寄贈外弟公鐸

不見神駒又四月才橫當代傲公卿文人往古多乖俗學到深時

氣自平

寄懷內兄紀同

十二年前哭吾弟昔年又哭乃兄悲兩家母老雙垂淚一子年年

又別離

送項任礎等北歸二首

送君黃浦難為別計數歸時月已殫寄語家人休疑問異鄉兄弟

各平安

江風江月催吟興此去應多詩百篇待到梧桐新葉落早來同上

白雲巔

五月二十三、四日粵中大風雨距任礎等行方數百計歸舟恐未

新正八日之書畫收錄卷之三

抵滬也感而作此

倒翻天地盲風起盡日飄零雨又狂萬里人行歸未得不知何處

渡重洋

二十八日東莞倫哲如兄弟自都中歸言在滬與任礎等相值不

知有風雨也甌輪將於次日過海門返里又作此詩

思君底處無消息有客初從日下來聞道相逢在海上歸颿未便

渡天台

燕趙山中車行口占 二首

京兆西來過井陘入山曲曲萬峯經洞天十八都新鑿孽華何須

待巨靈

千尋洞裏黑凄然頭上渾無一綫天不是汽車飄忽過人疑阿鼻

有誰前

詠懷

干戈水旱歷頻年
來自田間淚潛然
劫後山河多凌亂
誰教千室樂鳴絃

聞劉惕廬林又甫等委篆口占

越石壯懷薄九天
着鞭竟讓祖生先
枕戈待旦情尤急
胡笛聲聲起朔邊

題關帝廟

臣主恩深兄弟過
英雄豈惜拔山歌
莫言帝胄偏安小
獨有乾坤正氣多

登晉陽城樓

表裏山河眼底收
高樓月冷不勝秋
裊裘公子今安在
世上無人識馬周

海子邊獨步

滿地黃沙滾莫淘
留獨海子小容舫
可憐尺鯉無高浪
不及龍門

挾怒濤

懷三弟

蒼山甌海遙相接
只渡輕舟半日餘
何似雁門關內外
月來但得

一封書

懷四弟

愁到睽離怨塞山
丁香花下且偷閒
只今猶作池塘夢
一片情懷

深樹間

重上小天台晚眺

重上高樓覓眾仙
斜陽照裏萬家烟
飛飛羣鳥枝頭歇
一鶴橫空

向九天

中秋望月
四首

月滿關山分外明
天邊夜半雁聲驚
秋風萬里征人淚
五處睽離骨肉情

露冷天清夜漏遲
笳聲何處動愁思
可憐調與時人背
明月無心那得知

故鄉南望雁飛遙
秋半如冬思倍焦
只道月明千里共
汾流何似

浙江潮

太行東首淚歛歛
大地風雲島海趨
不識青齊江上月
今宵能得舉杯無

賞月晉城京兆書
至報歲弟知事列選

霜澄夜靜月華開
影落關山入酒杯
報道子由折秋桂
一封書自日邊來

寄五弟

秋色秋聲到處奇
西湖最好快題詩
可憐纔翫關山月
已似錢塘橘綠時

感懷

養士紛紛獨大梁
夷門一劍斷人腸
平原豈祇毛生失
尚有博徒

望雨

枯槐枝上亂鳩啼
烟霧空濛雁陣低
聞道朔天無宿雨
西風一夜起
沉泥

毛遂

二十人中一備員
兩言竟使定從旋
平原到底佳公子
楚國歸來深自悛

除夕四首

明朝又見斗杓東
兩歲平分一夜中
百廢未興慙製錦
恐教邊草怨春風

故園萬里夢魂中
一樣關心五處同
不是為官鄉思重
家家今夜送年終

四載於今政幾遷
羣龍無首各茫然
萬方厭亂思皇極
為問明朝是帝年

歐洲戰亂又經年
血遍沙場日日鮮
舊鬼未歸新鬼哭
上天何事不生憐

咏雪步紀同原韻二首

雪風吹入戍樓斜
歌舞豐年百萬家
鋪盡山頭千里白
誰教天女散瓊花

不是因花柳絮狂落花滿地掃徊徨身非梁苑齊宮客祇為尋詩

踏雪忙

和偉權咏雪四絕句即用原韻四首

何人漫把雪詩投有雪無梅莫倚樓我亦江南萬里客怕他孤雪

不風流

塞寒飛飛已滿樓無花聊自動吟眸但看月色相輝映莫把并州

比越州

雪到長城韻倍悠詩人點綴足勾留蒼茫一望無窮境月白山光

天盡頭

清光洗盡沙塵垢皦潔能教墨吏羞那得陽春和白雪與君共上

最高樓

建文帝二首限十三元韻

燕子飛飛入帝閣金陵王氣北平吞誰憐舊卜伽藍殿一領袈裟
換祖孫

禁門火裏脫皇孫卅載滇南冷至尊太叔緣何遣三保一家天子
不須論

漫興

文章恥落古人後勳業肯教年少過南踏羅浮北闕塞一生半在
客中多

遊文瀛湖

閒到文瀛踏夕曛但看勺水皺冰紋何人漫把西湖比不及東施
尚十分

戲詠旅館懸挂趙顏求壽圖

多少天殤好健兒哭夫哭子哭孫悲早知杯酒能添命快說仙人

日着棊

歸夢

堂上驚聞問我來
真兒浪喜笑顏開
信知冬夜偏殊永
萬里還家

曝背

閒擁黃棉學老農
果然寒破不知冬
若教愛日長如此
天下窮檐

盡笑容

元旦感懷

去年此日頒皇朔
自謂千秋握玉符
豈意未登大寶位
八旬虛蹕

古今無

夜坐

客中無事漫蹉跎
新歲又教三日過
夢欲還家嫌夜短
燈希報喜

愛花多

喜董性愉由京郵贈牙章二顆

感君千里遺牙璽悔不當年學畫書辜負姓名鐫漢篆空教異代

笑今余

偶成

炙冷纔知吞紙苦裘懸始信結鶉寒未諳稼穡艱難事紉袴安誇

父母官

舊曆除夕

萬里孤鐙睡不成忽聞爆竹起邊城飛灰三百六旬盡一夜東風

春草生

舊曆元旦

天日星回元旦朔人間風煖萬家春髯奴喜進屠鰲酒勲業於今

與歲新

感興

明朝又復逢人日佳節頻從客裏過惟有老奴慰惆悵今年庭院

得春多

遊文瀛湖陳列所看移收五臺山御用物品二首

五臺御物舊朝遺想見當年全盛時僧眾三千齊望幸六龍西下

快題詩

黃綾鳳枕赤龍帷猶見宮嬪錦繡奇我愛西湖圖五幅教人看惹

故園思

雪霽

春風昨晚已到儂家萬紫千紅競吐芽殘雪安能留得住曉看紅日

上窗紗

元夕觀燈二首

月朗燈輝夜氣清
六街蕭鼓到天明
挑來歌妓好身手
鵠立竿頭舞且行

最是風流老漢奇
巾車中坐小娥眉
前推一路婆婆舞
笑殺并門輕薄兒

元夕次日城中仍放花燈有感

昨夜燈開萬戶春
今宵猶唱踏歌新
可知陳烈題名否
到處民如刺骨貧

遊文杏園口占

欲入林間偶避喧
風吹走馬出東門
底言塞上春光晚
正月花開文杏園

降真樓眺望



朝朝無事此心閒乘興出遊竟日還最好降真樓上望喜看春色
在西山

送吳學周出宰陽城

十年問字粵江濱萬里同遊晚更親今日并門相送別太行山草

喜逢春

看放紙鳶四首

一縷情絲繫晚風
娥娥孌孌夕陽中
儂心不讓姮娥絮
要上雲霄

入月宮美人

螃蟹渾身帶甲衣
雙螯依舊穴泥非
橫行地上心猶慊
更向白雲

高處飛蟹鳶

緣木已教求不得
此身竟上九霄重
乘風底待桃花浪
躍過龍門

始化龍魚鳶

正月不聞牛女渡誰教春鵲去填河因風要入天宮裏採取人間
喜事多鵲鴛

詠伏生女

縱教坑盡男兒士誰料閨中尚有儒帝典王謨千古在焚書堪笑

祖龍愚

夜雪

夜深窗外忽如晨殘雪飛飛二月春可惜梅花開已過祇教留伴

李花新

廣陵散

到死此心惟有魏廣陵健將惜皆亡非真叔夜遺音絕華嶽歸雲

尚在唐

詠史四首



輝

舊君已死鞭何忍日暮途窮勢莫如覆楚早排存楚地知心惟有

申包胥

伍員

蕭陳只為安劉計震主何憐弓狗勲地下怕逢鍾離昧傷心不過

平原君

韓信

千秋惟恨秦繆醜不識君王暗指揮些小朝廷我自足私心怕得

兩宮歸

岳飛

中原不作偏安局忠肅功多忠武功一樣英雄冤獄死英宗暗亦

鑒高宗

于謙

歸夢

二首

多謝睡魔相送歸家山歷歷眼中輝誰言夢不知途路莫待舟車

只若飛

怪底鷄聲疾似雷關河萬里急相催浮生若寄誰非夢纔到家中

便喚回

詠明妃出塞圖

二首

妾自無心出漢宮
廷臣長策只和戎
琵琶聲裏彈胡月
千載緣何怨畫工

一腔心事有誰知
肯把黃金買畫師
故國山河長無恙
秋風琵琶幕

妾身樣

登晉陽城懷劉文靜

隋家天下怎歸唐
民部功勳不可忘
化碧竟埋萇叔血
自來弓狗

盡烹藏

戲語鼠

巧避貓兒好結羣
咬衣竊食亂紛紛
自今朝議添新稅
黃雀羅殘

恐到君

溫 市 卷 八

久旱望雲

看君出岫非無意可怪朔風吹又開塞上黔黎思若渴甘露何日

下蒼苔

遊子吟

歲歲輕舟與馬蹄高堂賴有廢彥妻穿衣滴淚看鍼縷烏烏啞

遶樹啼

落齒口號

三年浮動今搖落左輔相依又缺君莫道蛀餘成廢物也憐決肉

舊功勳

春日早雁

江南二月百花殷桃杏初開怎便還只恐塞垣風景淡快携春色

過陽關

清明未到別衡陽雁亦多情戀故鄉只為梅花浮嶺嶠至今自有紫丁香

寒食二首

寒食相傳為子推伍胥潮汐等荒奇燧皇鑽木更新火漢代因仍設典司

改火於今久莫傳人家那復息厨烟不知早已成虛話麥飯墳前化紙錢

憶梅用偉權原韻二首

家在江南之水涯別來萬里赴流沙飽餐漢瓦灘頭雪記否孤山處士花

五載重為庾嶺游飽看春色任勾留何時拋却關山月再踏羅浮頂上頭

辛白詩鈔卷第四

七言絕句

荆軻 五首

秦王振策鞭天下海內何人敢抗讐獨有燕軻提尺八隻身欲取

祖龍頭

薊門祖道聲何怨風雨蕭蕭宋意歌只恐舞陽莫勝任故人憾不

早相過

春^秦廷遠柱情何急可憾平生不解琴他日故人持筑往終教白帝

負傷深

漫說燕丹挑兵釁當年六國盡垂危倘教一刺殲嬴政奚待留侯

博浪椎

瑞安

陳

懷

孟冲

溫 市 包 公 然

辛白詩鈔卷第四

子房縱殺秦皇帝韓社何能燃死灰若使慶卿精劍術一朝興廢

奪天回

屈平 三首

浩浩湘沙一顧空祇憑天地鑒孤忠可憐故國斜陽暮寧葬江流

魚腹中

一篇卷離騷寫赤心滿腔憂憤自長吟鑿空亂道無端緒正是忠臣

感慨深

再讀九章與九歌蓋臣哀思淚痕多江濱漁父誠高士未識靈均

意若何

宋玉

宋玉招魂漸露才望塵屈子跡痕開離奇鬼怪驚心語要亦飛空

驀地來

秦始皇 二首

幾千萬載聖賢血盡付寒烟
化冷風不是秦仇儒術貴
但愁草澤起英雄

天下英雄豈得愚秦皇
底事枉焚誅龍顏帝子重瞳主
不識詩書不喜儒

項羽 二首

百二闕河王氣新
當年悔不據三秦
陳平西去范增死
帳下悲歌獨美人

失計鴻門脫網魚
勲名百戰總成虛
范增未許為謀士
問道無人策亦疏

范增 三首

江東子弟八千兵
十萬蒼頭擁薛城
大勢已能成霸業
牧兒底事

假虛名

董公但說哭湘柳便激關河義士心祇誤當年好奇計千秋遺憾

楚江深

獨勸滎陽逐沛公一生籌策此為雄項王底事聽讒間遽使彭城

歸骨終

漢高帝三首

分羹帝子心何忍項藉毋寧烹乃翁魚肉方臨刀俎地那知緩頰

有侯公

不知有父安知主千載欺人縞素師祇道雲成天子氣漁陽篝火

獨非奇

垓下江頭戰鼓催穀城山畔哭聲哀死生前後殊悲怒急淚寧從

那處來

韓信 二首

漢代何人第一功
淮陰羞與狗屠同
東平齊趙南平楚
鐘空室遺

淚血紅

淮陰舊日原臣楚
底事歸劉滅項王
且負故人鍾離昧
傾危何復

怨弓藏

叔孫通 二首

百年禮樂一朝新
半采周家半雜秦
今日方知皇帝貴
叔孫不愧

漢宗臣

二生何不識時因
秦火餘生尚說仁
誰是知心長樂老
千年前後

兩聖人

朱家 二首

俠兼儒墨漆雕傳
班史緣何擯九流
當日漢皇生季布
朱家浩氣

足千秋

斯民尚有古人風
載筆褒榮獨史公
一自平津當國後
蘭臺便說

進奸雄

漢少帝
諸兒不出張皇后
誰證非劉是呂兒
代邸已迎天子至
欲留幼主

有何辭

賈誼二首

文皇方議任公卿
出傳諸王老更成
遽灑湘沙弔水淚
憂時何不

惜餘生

干戈未定難稽古
意氣少年太激昂
明主憐才終不棄
豈教一死

殉驕王

劉淠二首

虎踞龍蟠地勢雄金陵鹽海豫章銅高皇早識東南亂計數年方
五十終

白頭倡亂聯諸國啟釁原由太子宮底事遽誅謀士首廟堂無策
可平戎

漢武帝 二首

千古帝王不世雄秦皇漢武百年同神仙戰伐多彷彿但欠尊儒
一鉅功

漢武尊儒事未期河間昆弟尚猜疑董生司馬都遭厄一代詩書
屬阿誰

枚乘 三首

文從宋玉招魂出梁苑詞人叔獨高丰韻不如唐勒秀興情或較
景差豪

可憐吳淠太昏愚
枚乘鄒陽兩疏俱
嶽嶽忠言皆逆耳
儘教文士入梁都

皋兒作賦空諧笑
諷諫那能及乃翁
自識不如司馬貴
百年何處哭秋風

東方朔 二首

山中自有烟霞侶
避世何從金馬門
最是傷心志士淚
談諧故欲學齊髡

語含諷諫兼談笑
要自縱橫第一流
世運愈教成晚近
興懷龍比不勝悲

李廣 二首

將軍束髮走居延
欲學單于與右賢
七十死生遼海戰
白頭路失幕南邊

丈夫寧自死沙場對簿軍前飲憾長誰料北平飛將老終教羌笛

哭斜陽

司馬相如二首

文章西漢雙司馬史擅龍門賦長卿濫說虛詞歸節儉詩人諷諫

蓋臣情

讀罷上林子虛賦推敲斫鍊枉辛勤飄飄不是人間句繼起千秋

一子雲

司馬遷八首

忽驚平地一聲雷海底瀾翻泰嶽墮文似龍門空百代歐曾韓柳

嘆無才

莊騷左國各成宗太史能將一氣鎔甫看九天舞鵬鶴忽從大海

掣蛟龍

齊工部文集卷之五十五

絕筆尼山五百年何人續荷此仔肩龍門父子紬金匱祖述春秋
啟孟堅
百三十篇才絕倫藏之名山傳其人董生不敢誇繁露賈誼何須
挾過秦
敢將項羽稱本紀又把陳王列世家豈獨董狐誇直筆千秋史識
有誰加
孔子^家世世能傳學德澤寧毋邁魯齊何必提封垂累葉鷓音休向
亂中啼
漫道龍門崇老學六家原述乃翁言仲尼弟子成專傳儒術於今
已獨尊
身後遺書闕未成百年待補褚先生黃鐘大呂譚何易細響差同
蚓笛鳴

劉安二首

記否先生尺布歌故封無恙帝恩多蜀天杜宇聲聲怨兄弟緣何再犯戈

君王曾授長生術海上應教放鶴歸或說天公留意遣淮南鷄犬一時飛

楊惲

疊疊雲山萬馬奔淋漓悲憤逼龍門古人絕業皆家學楊惲原來外祖孫

蘇武二首

天邊持節望刀頭海上牧羊十九秋夜月胡笳催白髮歸來依舊不封侯

當年生入玉門關幾輩相隨屬國還惟有長羅佩侯印許多姓氏

没人間

李陵 三首

淒涼夜月似刀環
天外愁聞知己還
何處羌歌三兩曲
聲聲腸斷

雁門關

臣心日夜望南旌
李緒緣何說李卿
母弟妻兒無限痛
更無面目

渡龍城

河梁一曲黯銷魂
風雨淒其五字源
若使稽山能奏凱
那教淚落

斷腸猿

劉向

三閭哀憤離騷賦
中壘懷愁災異陳
同是宗親憂國淚
楚宮禾黍

漢宮新

劉歆 二首

子政身亡骨未寒
新朝茅土古衣冠
伯升兄弟真豪傑
盍把劉崇

翟義看

向歆父子校羣書
真贋豪釐辨
豕魚七略淵源精
剖晰古今博洽

有誰如

揚雄

一卷太玄萬事閒
暮年何復媚權姦
新朝符命傳真偽
尚在龍蛇

疑似間

嚴光 二首

敢將高隱傲王侯
出處當時已熟籌
且就灘頭賒月色
不教千載

笑羊裘

天子原來信赤符
嚴光姓字識無中
客星帝座休容犯
何似桐江

老釣徒

浙江圖書館藏書

WENZHOU LIBRARY

班固六首

千秋載筆推遷固二子文章迥異同太史無如班氏密孟堅不及子長雄

森嚴典贍無枝葉班史文章亦絕倫但遜龍門有真氣一溪一壑見精神

西京著述燦雲霞劉向諸人十五家底事蘭臺修史後瑯環滿室浪淘沙

叔皮才大追司馬六十五篇續太初何必推陳開斷代孟堅欲作一家書

自從班史修當代一十八朝述到今尚論我懷司馬體千秋竟作廣陵音

八表天文未及終詔令昭妹續前功專門絕學多微義東閣猶須

伏馬融

張衡二首

二京雄麗刊蕪穢不許孟堅誇兩都元叔孝先皆奴輩一時還有

長卿無

欲作龍門空有志一生終讓孟堅多但窮術數網天地抗跡太玄

不我過

李膺六首

漢廷黨禍起甘陵名重龍門望李膺仲舉多才籌策密可憐元舅

太無能

橫刀痛飲鮮卑血破柱身誅張朔頭可憾狐狸城社據終教萇叔

哭襄周

門生故吏悉誅夷百萬人盡感悲李杜齊名死何憾最奇巾幗

有鬚眉

景毅羞遺錄牒名自甘同臯效威明許多未接勲慙語不顧頭顱
博義聲

同舟李郭望神仙出處殊途意氣連若使林宗當日在豈徒陳竇
哭遙天

四百餘年運已終羣飛滿地刺天空桓靈宗社依無恙端賴諸臣
節義功

張儉四首

太阿倒柄操閻尹呼吸能將山海迴元節為民哀請命刊章遽自
九天來
望門投宿情皇急到處何寧伏重誅節義能教流俗感一時風氣
古今無

張儉生犂侯覽墓陽球死磔冠軍屍束薪願學為屠伯入空但求得虎兒

衰周俠烈盈天下漢季猶能見古風明代東林宋偽學清流罹禍

古今同

叔先雄四首

阿爺拜檄渡巴州江水無情忽泊流蜀魄一聲腸一斷誰將骸骨

覓歸舟

呱呱不識阿娘心付汝珠環與翠金今日那堪成永訣翻身投入

蜀江深

昨夜江頭沒水時未教阿弟約歸期夢中告語休嫌幻尅日浮來

父女屍

叔先孝行匹曹娥千載人知稽水多惟有邯鄲一片石巴江但見

像圖磨

孔融

魯國男兒孔文舉天生傲骨折曹瞞笑譚寧死建安獄不見當塗

盜漢官

諸葛亮

四首

諸葛才應伊呂儔每懷管樂意何求夷吾相業尊周室昌國勲名

在復讐

少小好為梁父吟遽廬抱膝孰知音才懷王佐思東嶽非慕田疆

望蕩陰

國勢三分天已定臣心無二答君知袞中欲抵長安險只怕將軍

跋扈馳

芒角星沉五丈頭平襄猶自鎮洮州誰知四十年天下成也譙周

敗也周

曹操二首

欲除宦寺歸司隸何必紛紛召外兵
早識老瞞有奇氣一時壓倒

漢公卿

孟德生平憤作欺死猶設塚起羣疑
俞符欲盡漳河壟地下已教

吉利啗

石勒

不受王封寧自帝羯奴畢竟是英雄
丈夫莫學曹孟德千載如聞

侃侃風

王猛二首

景略心中豈愛秦平生深憾晉無人
江東天子如能用王謝勲名

野馬塵

秦王日夜望揚州敢說投鞭欲斷流丞相遺言猶在耳天教風鶴

敗歸舟

慕容垂 二首

鮮卑帝子皆雄雋阿霸生時竟獨奇巨武北來天子去中山誰建

舊旌旗

倉卒西奔避主昏胡奴容有赤心存秦王悔不從權翼早殺鮮卑

阿六敦

陶潛 四首

草屋柴門烏葛巾上天下地一間人東軒嘯傲羲皇侶身世飄飄

陌上塵

桃花源裏小溪山別有天地非人間蕭條草木誰為主秋水白雲

自往還

不識人間幾歷新
將毋懷葛太初
民間渠那得到如許
先世原來只避秦

上下古今一素琴
人世誰悟此中音
鍾期已死伯牙老
識趣何須苦用心

江淹二首

少小文章顏謝儔
暮年才盡醴陵侯
豈真遽失宏農筆
應與參軍共一流

庭草無人王冑死
空梁落燕道衡誅
六朝天子矜文學
臣下多才盡伏辜

蕭統文選樓二首

帝王父子擅文章
二十四朝獨魏梁
更愛維摩開選學
網羅今古費衡量

千古文章一代收
烟花三月楚江頭
梁朝五十年天下不及昭明
文選樓

梁元帝

君王不道降天誅
于謹南來奉帝符
十萬圖書無所負
忍教灰燼

一時無

庾信

長安秋月涼如水
故國山河夢裏探
千載人悲李都尉
一腔心事

哀江南

十八學士 二首

一時才士盡歸秦
爭說瀛州十八人
天策已教成羽翼
凌烟閣上半功臣

高祖緣何泥弟昆
秦王當日定乾坤
自今開閣延名士
底事釀成

玄武門

唐武后四首

禍亂原來各有因
牝雞底事得司晨
英公一語誤唐室
家事何須

問外人

敬業知非倡義旗
賓王一檄動娥眉
休嫌枉褫妖狐魄
忠憤同差

博浪椎

可怪廬陵豈下愚
均房道上歷崎嶇
神龍纔反桑韋奏
記得浮圖

洛水無

有唐三百年
天下幾見宮闈作亂頻
禍始斷歸天策府
禁門喋血

納齊嬪

陸贄四首

六龍西幸奉天遙
河朔將軍未入朝
誰遣武夫齊下淚
興元一詔

德音昭

衡山去後國中虛內相多才有敬輿籌策寧徒梁國業直言不讓

鄭公書

中興勛業冠西平何物青蠅蔽聖明遠使累臣魑魅笑裂麻千載

一陽城

一生憾事在于公語動帝王與六宮排惻不輸臯己詔孝經一卷

老山中

韓愈諫迎佛骨表 五首

有唐儒術獨推韓處處尊經闢異端最愛元和迎佛表千秋如見

蓋臣肝

或道昌黎愛大顛少年曾亦學參禪往來瘴海無人地已報尚書

孟簡篇

自從驃騎獲金人
禹域纔知有佛身
魏晉以還天子好
百年幾見廢興頻

自古帝王證佛因
豈真參透大悲仁
原同漢武秦皇意
但得長生不死身

佛派原來不止禪
退之未識擣中堅
梁唐但有菩提說
千載誰登

大乘天

香山九老

三首

睢陽五老洛十二
九老香山在上頭
白髮掛冠尋舊樂
已過七百

餘春秋

老來無事愛林泉
詩興濃忘是白顛
人協虞韶周範數
顏如南極

大羅仙

贏得樽前自在身
優游林下太平民
任教千載為圖畫
各是開元

天寶人

羅隱 二首

羅隱文章氣勢雄
緣何悲憤老江東
當年宰相稱知己
六上公車

一第窮

三羅才調各深沉
昭諫尤多感慨吟
逋客頻彈亡國淚
藩王休識

老臣心

陳搏 二首

五十年來禹域分
羣龍血戰掃塵氛
騎驢一笑乾坤定
難得空山

卧白雲

買櫝還珠笑孔周
羲皇別有不言幽
濂溪太極百源易
都是華山

一派流

邵雍安樂窩 四首

安樂先生烏角巾
幾間茅屋等閒身
士夫爭識車音候
學作行窩待上賓

相送柴門月滿川
百源山畔看飛鳶
舞雪風詠思曾暫
陋巷簞瓢

樂子淵

那得平生不皺眉
少年曾立苦根基
冬爐夏扇休容設
坐到宵深

雪落時

園林獨樂如君實
風月無邊似道州
莫道山翁忘世事
一篇皇極

待文周

元祐黨碑

三首

三百九人一網空
二惇二蔡罪天通
可憐夢得多才學
不及長安

小石工

名士頭顱豈足憂
兩宮北狩萬年羞
慶元重復修元祐
徒上厓山

泣覆舟

漢明黨禍亂蓬麻平地株連百萬家藝祖幸留成法在不教鋤谷

看東瓜

蘇軾詩案 三首

文章何臯觸公卿祇為平生太好名斥鹵桑田說東海遠教魑魅

出逢迎

種豆為箕楊惲詩天生聖大章辭片言隻字興文獄萬里投荒

尚得時

萬篇詩卷占時名死後猶難解棘荆誰是六丁收拾去文星落處

地天驚

陳亮 二首

一生四上萬言書落魄江湖志自如十載頻遭京兆獄白頭纔聽

唱臚初

雲龍霧豹起天空下筆千言命世雄何必斷斷心學辨中興五論

用無窮

鄧牧 九鎖山中老散人淵明以後一天民君臣原理談深切惟有南雷

識步塵

却經雁書六首

上都持節三千里不見南朝天子廷十六年中回國思欲憑歸雁

達天聽

屬國當年事子虛上林那得雁翎書累臣姑作無聊意愁與麻思

虎寨如

南朝宰相欺君父漫說中原已避兵異國好憑傳語去行人仰首

浙上言天嘉言後單部七

望天征

曾否大興問臯師節毛零亂不勝悲任教影落平沙外達到孤臣
一首詩

日夜思歸未有期累臣心事雁應知故都天子無消息快把元旗
換宋旗

可憐赤雁落金明繫帛書傳國信誠真海歸來纔抵闕九京誰告
大功成

九儒十丐五首

秦坑不絕二千年奇渥又將儒術捐百代臨雍鐘鼓奏仲尼誰貶
作中賢

人生乞食最無聊敢把顏曾作等僚可憐瀛閩堂上客不如明月
夜吹簫

和林起自舊胡戎草昧依然冒頓風那識六經儒術貴但求馬上引強弓

姚廉許竇盡當塗忍聽江南十萬儒竟與墻間東郭侶尼山道統屬誰扶

但得先朝實錄敷潛溪史筆太卑汙至元善政纍纍見毒焰迷天一句無

元順帝 三首

纔教白雁從天下陡見金龍繞殿飛孰把周王作子楚乾坤依舊趙家歸

厓門塊肉空投海白塔遺兒暗易宗千載煌煌金殿詔齊東休說老耕農

大師舊自降臨安奇渥今教失妥懼父子都為亡國主胡笳長對

哭聲酸

明恭閔帝六首

伽籃纔卜蟄龍興闕又看紫氣騰太叔南來太孫去白雲深處

問山僧

奉先殿上啟天機料得今朝燕子飛舊脫袈裟穿帝袞還教藻火

換僧衣

當日諸臣意氣昂書生誤國首齊黃三千盡死終何裨忠憤聊爭

日月光

讀書種子亦無謀徒着麻衣哭帝讐成祖忍教瓜蔓戮百年元氣

一時休

莫負千秋殺叔名太孫殿上哭酸聲燕王自說周公旦三保緣何

下占城

燃萁忘豆泣

冷落天邊四十秋
乾坤無恙鳥聲啾
歸來老佛頭如雪
但得西山

正首邱

于謙

四首

南遷既免康王失
北狩又迎太乙歸
誰料燃忘豆
箕泣遽教冤獄
看霜飛

一生最憾是徐埜
只為當年議不成
若使邨王南渡馬
奪門那復
鼓鐘聲

四百年中雙少保
兩朝飲憾到千秋
風波三字東曹二
斷送英雄
壯士頭

朝衣東市陰雲起
誰效樂公哭越屍
竟出讐人麾下卒
一觴酌地
不勝悲

紙糊三閣老
四首

刻
珮

只道朱明重閣權太阿柄倒厥臣專紙糊三老徒緘口泥塑尚書
更備員

成化英明尚受愚深宮不使見羣儒諸人巧佞休庸說商輅亦同
萬歲呼

三老雖同好面從黨分南北不相容萬安貪狡吉陰剝劉珮差為
佼佼庸

劉吉暮年亦好名憲宗賓馭孝宗明同朝閣老多良士正論時時
附尾聲

王守仁 四首

千載未聞道統名濂閩講學始研精姚江提出良知字赤日當空
萬象明

是陸非朱奧窔開邦為邪說費疑猜宸濠破復思田定都自龍塲

講學來

千秋直接子輿傳獨有陽明與九淵大海波濤搖五嶽那堪無舵

泛樓船

餘姚弟子徧天下江右原來只獨醇若說王門龍象最龍溪以外

泰州人

何心隱三首

漫道泰州是釋宗門多赤手搏蛇龍雲卿底夢傾培壘恰與夫山

秘計逢

孝感山中講帳開渾無聲臭獨心裁山農波石淵源遠的自姚江

一脈來

四顧無人天地空欲飛不起氣徒雄可憐逋客思張祿不出江陵

掌握中

利瑪竇四首

景教原來起大秦唐時建寺立碑新前明纔識為天主瑪竇西來第一人

自從瑪竇得明君三拔華民來似雲中國大臣徐李輩亦從重譯學天文

瑪竇東留二十春中原算術盡翻新乾坤體已精妙義三百年來愈入神

當年但有教宗傳今日駸駸涉政權外化原堪鉞國粹但愁遍地是腥羶

鄭成功四首

可憐中國衣冠異又見行朝帝子平三十餘年明正朔何人島上哭田橫

阿父緣何走傳車
兒心但識有朱家
曾經三百年來事
海外猶呼國姓爺

甲申變後不勝悲
處處遺臣起義師
誰料將軍天上下
南疆不復舊旌旗

獨有延平據海嶠
子孫相繼歷三朝
中原天子卅餘載
纔見臺江息怒潮

鄧都三首

一自侯封挫勢強
文深刀筆巧滋章
鄧都伉直爭人主
骨鯁差能

勝杜張

庸獨姦回怯避風
單于不敢叩關中
雁門太守威何赫
死後猶能

懾引弓

不畏豪疆信足休
臨江何臯酷誅求
蒼鷹舞法驚車軸
紫燕銜泥

疆

浙江省立圖書館藏

WENZHOU LIBRARY

飾

護壘頭

雋不疑 三首

千秋舊夢白頭翁湖上曾為思子宮那復儲君黃犢至泉鳩記否

壽昌功

公卿何復飾疑情京兆原來經術精斬斷亂絲處權變不疑不愧

不疑名

將軍不學管樞機那識春風秋說是非倉卒但求疑似決引經斷獄

老成希

李白 二首

千首詩澆萬斛愁舉杯邀月月當頭古今莫作文人看自是箕山

潁水儔

但說詩才是謫仙興來神到出天然杜陵不愧吟壇聖飯潁山頭

苦自憐

宋太祖二首

一着黃袍馬首東
旌旗到處滅羣雄
龍行虎步太平主
千載疑傳

燭影紅

昭憲當年遺誓書
特教臣普署篇餘
豈容再誤何人語
直到杉青

始入儲

趙孟頫五首

畢竟先朝幾世孫
留將忠蓋報皇元
南陵朽骨都遭厄
白雁橫江

啄本根

屋門黯淡日無光
柴市淒涼六月霜
多少遺臣俱碎首
新朝那惜

舊天潢

狀元宰相已無顏
况在天朝譜牒間
魂夢若逢宋太祖
休將羞淚

浙江圖書館藏書

WENZHOU LIBRARY

哭吳山

經濟多才豈足欽更生不學學劉歆
蕩陰縱灑侍中血東市已忘
叔夜琴

詩文書畫却清新看似飄飄欲出塵
雍奕兩兒傳父學閨中更有
管夫人

王保保三首

中原已報淪周鼎塞外猶思復紀讐
新主空教書七致奮身願擲
蓋臣頭

願從故主徙金山匹馬飛來叩雁關
十萬天戈愁出塞可憐那海
斷生還

佳海差同張太傅臺江不讓鄭延平
高皇深嘆奇男子千載長留
保保名

韓

朝信客

一生成敗在蕭何肯把孤免匿趙佗有客暗彈嬰白淚終教相國

感懷多

荀爽二首

不應袁逢徵有道偏從董卓作司空布衣一躍騰千丈博得三公

百日中

少壯杜門嚴謝客衰年濡跡欲匡時一生趣向終難定委曲方能

脫虎危

陳涉次項任礎韻

天下匈匈何所從輟耕休笑若為傭吳中沛上多豪傑孰敢當頭

斃祖龍

疊前韻

亡秦人欲自天從莫說陽城一老傭若使孔魚易韓信不教豐沛

慶雲龍

田橫二首

南面稱孤不肯臣寧從荒島覓投身凭他燕趙都歸漢齊國長留
五百人

當年共逐秦家鹿天下庸知屬阿誰笑彼老佗椎尚髻築臺北望
欲何為

南霽雲

臨淮枉效秦廷哭斷指無人救楚危千載浮圖留箭影一腔哀淚
為誰垂

雷萬春

軍令嚴明不愛軀任教六矢著頭顱睢陽麾下多奇士三十六人

節義俱

岳飛
五首

二帝夢魂沉朔漠君臣南渡底心灰英雄方抵黃龍府十二金牌

天上來

百萬長驅氣勢雄朝廷底事說和戎江山半壁終非計忍殺千秋

報國忠

宰相和戎甘忍恥將軍失計是班師君臣大義原天定滅盡匈奴

死未遲

朱仙已奪烏珠魄何物書生扣馬云父老亦知亡國憾望旂遮拜

岳家軍

渠徒將略比韓彭儒雅風流筆陣橫我讀寒生潭水月清音燭亮

過雲行

曲端 三首

天上飛來五鵠軍，虜廷啼哭有郎君。
江山破碎無心定，遽遣恭州泣大勳。
涇原已罷將軍印，富邑猶張都統旗。
料誰竟遭魏國忌，忍教九竅血淋漓。
漫說將軍跋扈飛，千秋史筆底含譏。
猥教諸葛街亭淚，只為南軒倒是非。


孟冲先生縱其餘技為古今體詩都四百餘首而特長於詠史斯
其學術之所寓也天台褚石橋序先生詩以為闡題分韻之為異
已雖然精義入神何適非道必平日有所積而後臨時有所發天
下有多積而少發之者矣未有少所積而能多發者也使夫闡題
分韻之為而其多且精乃若此則先生之於史學豈易測哉昔吾
甌鄉先生王文忠公龜齡亦嘗為詠史詩歷述皇王宰輔之跡以
備殷鑒先生之詩則於治亂興亡之故三致意焉百里之間千載
之下一旦遽出而掩其上雖源委之有常歟蓋亦隨世運而屢變
矣若夫立身行己本末矚然先生亦何愧於龜齡哉癸酉閏月二
十三日受業外弟林損謹跋

Faint, illegible text arranged in a grid pattern, likely bleed-through from the reverse side of the page.

溫州府志卷之...

溫州市圖書館

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



